

襄陵縣志卷之八

壇壝

凡能興大利除大害皆祀之以為民也我

朝制度詳備其所以禦災捍患念切民依者至矣闕而不

志非守土者之責而誰與

社稷壇

制東西二丈五尺南北二丈五尺高三尺四出
陛各三級壇下前十二丈或九丈五尺東西南

各五丈繚以周垣四門紅油由北門入石主長二尺
五寸方一尺埋壇南正中去壇二尺五寸止露圓尖
餘埋土中神號稱縣社之神縣稷之神神牌二以木
為之朱漆青字身高二尺二寸濶四寸五分厚九分

襄陵縣志

卷之八

壇壝

一

座高四寸五分濶八寸五分厚四寸五分臨祭設於
壇上以矮桌盛頓祭畢藏之神庫在縣治屏霍門外

西北隅

風雲雷雨山川壇

制與社稷壇同但門由南人不設石
主壇設三神位風雲雷雨居中山川

居左城隍居右神號稱風雲雷雨之神本縣境內山
川之神本縣城隍之神在南郭外

先農壇

在縣治屏霍門外西北隅雍正五年知縣吳世
雍奉文建前壇後廟九年知縣趙懋本繼修

正廟三間門樓一間東西配房各一間圍牆一週藉
田肆畝玖分所穫以供粢盛祭器簠簋各一籩豆各
一四鋤

邑厲壇

在縣治屏霍門東北高廣如制

里社壇 各里俱設

鄉厲壇 各里俱設

襄陵縣志

卷之八

壇壝

二